

renità, questo illustrissimo vicerè aver fatto proclame de partir con tutta la corte per Mesina, fato el zorno de Pasqua. *Insuper*, è stà comandato a tutti li baroni de questo regno al far de la mostra in la terra de Grandazo, et hanno poi da retrovarse a Mesina al servitio militar, ocorendo a passar in Calavria per certo tempo sono tenuti; e tutti se fanno presti et metese a ordene per seguir el comandamento de soa signoria, che è de mandato regio. Et per sua illustre signoria me fo dito la Catolicha Maestà, per li 12 de l'istante, scriverli romper dovea con la corona de Franza, e per el simel, se dize, a tal zorno de qui e per tutti suo' regni publicar se dovea, et che l'alteza sua mandava in reame de Napoli 1500 homeni d'arme a la spagnola, 1000 cavali lizieri et 4000 fanti; et da Valenza a Chades resona, se fazeva preparatorii de guerra grandissimi. Et come era ito bandi publici in Castiglia contra quelli faceva danno a la Ecclesia et al Santo Padre, et in Cades se preparava armada per condur zente d'arme in le marine circostante de Perpignano per meter a Salzes dov'è da conto, e ditto Franza aver fato forteza con pressa per custodia del paexe suo. In questo regno, per esser pur fama in Zenoa e Provenza farse qualche armada, per questo illustrissimo signor vicerè è stà provveduto per tutto il regno e marina *signanter* di capitani d'arme. Et in Trapano sua signoria el signor conte de Golixana anzi de Chamarata; in questa terra resta domino Antonio Agliatta conte de Cartabelota; a Melazo don Zuan de Luna conte de Sdafina; a le parte de Chatania el gran seneschalcho; a l'Agosta el conte de Lerno; a Zirzenta el baron Masilmari, et *ubique* è provveduto per obviar ad ogni scandolo occorer potesse. È ordinato do oratori de comandamento de soa alteza, et tutti i prelati degni per andar al Concilio a Roma, et saranno presti per partir fatte le feste proxime. Se carica formenti per le forteze de Gayeta et Napoli, et salnitrii et altre munition; et da Napoli se atende quelli baroni andò al capitano di la liga con tutti li cavali soi, e zà ne son ritornati, chè Soa Maestà non consente restino fuor del regno. Per Zenoa le trate son pur aperte et non son navilii. Al publicar de quanto è soprascrito, tuto se vederà, e da quel sucederà degno de relatione, con Vostra Sublimità farò el debito mio de farli manifesto el tutto, pregando el nostro Signor Dio exalti et prosperi quella *ad vota*.

De Vostra Illustrissima Serenità servitor

PELEGRIN VENIER

fo di missier Domenego, sotoscrito.

A dì 4. Ocultamente, per fide digno, m'è stà 92^a dito la Maestà del Re voler far questo signor vicerè capitano in loco di don Rimondo. El Papa cussì esser contento, e falo vicerè di Napoli, e a don Raimondo in ponente li dà mazor stato. Questo signor vicerè se mete a ordene de cavali, e à mandà el suo secretario a Roma in pressa, e che l'orator yspano à comesso qui se serasse le trate per Zenoa; non l'anno voluto obedir. Però Vostra Serenità Illustrissima del tutto accepti el bon voler e faza el cavedal li par de le cosse soprascrite, a la qual *humiliter* me ricomando. Et era scritta in zifra.

Noto. Don Rimondo Cardona vicerè di Napoli; et il vicerè di Sicilia al presente è don . . .

Copia de una lettera dil signor Fabricio Colonna, data in Castel di Ferara a dì 28 april 1512, narra il modo dil fato d'arme fu facto a Ravenna con francesi, drizata a missier Camillo.

Miser Camillo.

S' io potesse personalmente venire a li piedi de sua alteza per dare conto di me, saria venuto, ma non possando, ho voluto per la presente far mio debito. Et primo, li baserai la mano per mia parte, *cum* farli intendere che mai io ho manchato a lo debito in questa impresa; et prima li farai intendere como al partir de Napoli parlai col suo orator in Roma, el qual pregai che operasse che li sguizari non calasseno fina che non fossemo vicini a Bologna; el qual, son certo fece el debito suo. Ma per la furia del Papa, quando nui arivassemo a Bologna, li sguizari erano acordati; che certo se ad un tempo rompevano con nui, havevamo secura victoria.

Apresso, hessendo nui per pigliare la impresa de Bologna, lo parer mio fo che ce metessemo in parte che lo soccorso non ce potesse intrar senza combatter *cum* noi, chè allora eravamo el dopio de loro, et più presto faticare alcuna scorta per le victualie che lassar libera la via del soccorso. Fo risposo che ancor che intrasse qual se voglia soccorso, che se piglieria. Replica che mai se piglieria. Alfine, il signor vicerè volse credere più al parlar d'altri che al mio, et se pose in parte d'onde non era possibile prohibire algun soccorso; et mi, che era passato *cum* l'antiguarda de là de Bologna, fece retornare di qua; et cussì de di et de nocte ce intravano li inimici al piacer loro. Alfine monsignor de Foys *cum* 700 lanze et 5000 fanti vene al-Finale, et io *cum* el conte di